

吳興金石記

吳興金石記卷十五

歸安陸心源伯剛甫纂

元

歸安縣建學碑

石存

湖州路歸安縣建學記

湖州路歸安縣建學記

四明任存中刻

中奉大夫嶺北湖南道肅政廉訪使鄧文原撰并書  
榮祿大夫江浙等處行中書省平章政事高昉篆額  
湖學自朱寶元間安定先生胡公以經學爲弟子師  
由是東南諸郡知有仁義禮樂之教其後郡縣皆立

學太學亦取以爲法故湖學之盛最於它郡郡之倚  
郭縣曰歸安猶未建學附於郡學東偏池上校官幸  
滿卽代去因仍歲月漫不加省非闕歟夫循名而不  
責其實雖善治者無成功而況學乎泰定甲子南陽  
完澤溥化擢進士第明年來丞茲邑顧瞻興慨曰余  
幸以儒決科筮仕之始釋是不圖予負丞矣遂首出  
已俸買地縣治之東南陬溪山迴互而勢敞爽宜爲  
學者藏修游息之所因謀諸長貳與職教者羣言允  
叶且召邑中慕義之士而語之故咸樂輸助以相庸  
作於是翦夷榛翳經度幹址爲殷周阿以主以侑望

繪之事咸中儀式講肄有堂居處有舍重門修廡中  
外具備肇始於三年四月越一年閏月舍業以落之  
又置腴田造祭器以圖惟永久士驩然曰學校風化  
所先知建學斯得爲政之本矣昔鄭人欲毀鄉校而  
子產不可是以見稱於夫子也隆古盛時家塾黨庠  
國學莫不有師而又有東膠虞庠成均瞽宗辟雍類  
宮之等雖異代殊制然大要使人崇本絀末由體適  
用自秦易郡縣置守令首戰功師法吏而教始大壞  
後世隆其棟宇優其廩稍學者得專意問學以希賢  
聖而人才乃不逮古何哉晏安之習勝則刮磨淬厲

之功不爲外有利祿之誘苟可以干時名而梯進取者何不爲也而廉恥之風微矣有志之士不偶於時則甯高蹈林谷被褐高歌有以自樂雖時有用舍行藏而道無得喪榮辱是爲爲己之學流俗方訕笑以爲迂而莫之從然則人才之作興亦難矣聖門弟子惟子游吳人習聞學道之訓施之武城弦歌而治故得士如澹臺滅明者古者國子舍於王宮教于師氏而以時會於大司樂以習弦誦以學樂舞是絃歌特學道之一事而聖人有取者因弦歌而知學道之化被於一邑由是而之國之天下皆是道也夫子曰十

室之邑必有忠信歸安壯哉縣貞人勝士多栖息其  
間今承之得士安知無如滅明者予老矣願有聞焉  
泰定五年龍集戊辰人日記邑長柏壽縣尹武思文  
主簿只兒哈郎教諭楊元震典史周仁壽王平  
是歲三月吉日沈良張庭輝陳諫費瑋施大亨施環  
立石

兩浙金石志右碑在歸安縣學文三十一行正書  
徑一寸歸安本烏程地宋太平興國七年析置舊  
附縣學於郡庠至泰定間完澤溥化來爲縣丞始  
創建於今所鄧文原撰文記之按文原官至集賢

直學士兼經筵於泰定元年引疾歸四年拜嶺北  
湖南道肅政廉訪使以疾不赴天厯元年卒年七  
十一此碑系銜與本傳合高昉字顯卿大名人又  
按戊辰歲凡改元二此稱泰定五年者在未改致  
和之前九月以後卽爲天厯元年文原撰文之後  
不及一年卽以病亡矣

案碑連額高八尺廣三尺三寸此文巴西文集未  
收

褚天祐祠碣 石存

褚公祠碣

先考左二教諭褚公諱天祐字善甫號友竹叔祖五  
二宣教子也世居吳興之朱塢宋淳祐丙午年甫四  
歲卒□□□命立爲先祖五一宣教後命立之歲  
叔祖云亡次年丁未會祖知丞繼以傾逝景定辛酉  
洪水氾濫田租無收是□□□憂勞染疾而卒所遺  
田業派買公田後所存不多乃與先伯左一宣教均  
分之時先考方當弱冠家務之重獨力支□□奉會  
祖母徐氏先祖宣教先祖妣沈氏先叔祖妣楊氏喪  
事尤謹未有閭官之役因捕賊不獲被官軍焚毀室  
廬僅□□免宋淳祐年會祖知丞置買張寶山九十



六畝起築墳塋聚養林木安厝曾祖知丞及叔祖五  
二宜教靈櫬於上厥口口族挾閭府勢訴之有司歸  
於閭府不久而閭府衰廢賁文約以出售先考獲復  
舊業增置四十餘畝不平之氣得以口口丙午之歲  
盜賊蜂起家貲蕩盡及大軍臨境領眾投拜就管地  
面繼而差役繁重徧歷艱辛遷居桃溪又爲盜所劫  
口口昭然遂卜居府城以圖久遠安佚之計豈期城  
居差科尤多不惟應當坊里正之重而又包辦酒課  
和雇和買夫役之口雖不能一日安居處之泰然未  
嘗形於辭色況能勤儉起家日增田業墳塋庵宇無

不葺治且招緇流晨夕焚修祭口口物靡不備具復  
於俞步創建眞慶施水庵一所仍撥田山一頃五十  
畝贍養僧眾接待往來飢者食勞者息又捨田一口  
俾月輪口每歲中元修設普度水陸追薦宗族師友  
下及僕佃貧人又捨田入出塵寺蓮社院郡安寺各  
建祠堂每遇先祖先叔祖先兄忌辰修崇追薦病而  
無醫者施藥以濟之死而無歸者給棺以殯之初度  
之辰必設齋醮以報劬勞口口不怠捐資買山以爲  
義冢繪畫彌陀大士元帝眞像普施信士崇奉力行  
好事歲以爲常積善之譽流傳口碑節省口口宴延

待親舊以盡歡情處世之熟待人之厚可謂至矣繼  
買東溪姜氏故廬經營一新居止得所不幸於延祐  
己未□逝春秋七十有七先妣孀人沈氏躬儉節用  
薄於自奉協力成家親族睦義無有怨惡謙和以處  
里閭寬恕以御奴僕內助之功豈曰小補泰定甲子  
卽世享年八十嗚呼痛哉爲人子者不得奉甘旨以  
養親罪莫大焉終天之痛無有窮極奈以城中差役  
日益繁併酬應弗遑復歸故里以治田園痛念考妣  
一生涉歷艱辛廣充基業貽我子孫其於報本追遠  
之□敢不盡心焉雖有奉先庵於墳所命僧道以焚

修然在百里之外不能親致晨香夕燈之敬於私爲  
憚今創祠堂在所口之北扁曰孝思庵宇整嚴香燈  
接續以奉祠像朝暮得以瞻仰神儀救膏腴之田三  
十畝命僧道主持日誦經文用資冥福益以報劬勞  
之恩伸思慕之志非直爲觀美設也吾子若孫當體  
此意追念祖宗創業之艱常以今日建祠之心爲心  
毋廢香火毋墜家聲勤儉克家保守擴充使祖宗餘  
慶之澤垂於無窮我所願也祖宗之幸也詩曰永言  
孝思孝思維則可不謹歟元統元年癸酉十月十五  
日孤哀子褚錫瑜謹識 忝眷承務郎松江府判官

致仕趙由辰書且系之以□曰

派出河南 世居朱塢 克勤克儉 起家儒素

惟友竹翁 繩其祖武 充衍田園 廣構堂宇

貽厥孫謀 備嘗艱苦 餘慶之澤 俾爾昌裕

璧也克承 不墜先緒 岡極之恩 報本是務

念及先塋 道修且阻 迺建新祠 密邇居處

昕夕仰瞻 庶慰懷慕 至孝感神 薄俗警悟

示訓後昆 諄諄斯語 敬之守之 毋忝爾祖

右碑連額高四尺四寸五分廣二尺二寸四分文

二十五行行四十六字正書在烏程縣南潯鎮西

柵外閭家兜褚家墳景定中鄭氏婚書主婚人稱  
忝眷下署名見水東日記石刻署忝眷始見于此  
理宗紀淳祐十年命婉容閭氏爲貴妃閩府者當  
卽貴妃母家所謂閩馬丁當國勢將亡者也閩妃  
宋史無傳但稱其怙寵而不及其母家之橫此碑  
可以參証宋史知丞卽縣丞謂知縣之丞也宋史  
職官志宣教郎從八品蓋皆以進奉得官者天祐  
稱教諭必諸生之久次者賈似道傳買公田六郡  
之民破家者多褚氏其一也楊維禎松月軒記吳  
興東去若干里其聚爲南潯褚氏樂間居之世家

在焉至正甲午先廬遭燬其子質字彥之重創別業于朱塢溪上見東維子△與碑世居朱塢台所燬之廬當卽天祐所置溪東姜氏故廬質蓋天祐後人也

燕居堂碑 石存

夫子燕居碑銘

大元湖州路安定書院夫子燕居堂碑銘

翰林侍講學士中奉大夫荊江淵等處行中書省參知政事字朮魯翀撰并書

資諫大夫荊江淵等處行中書省左丞耿煥篆額

今上皇帝鑑舊制詰萬方優儒蠲役仁其家元統  
三年湖州安定書院山長張蔚以夫子燕居故室陋  
陋率儒眾鳩工徙徙基而北堂隆序拱增壯曩昔恆  
廩不預推羨置禾畝六十有三蔚言朱滔禘五年湖  
守蔡節始闢書院創屋楹四百七十置米畝二千先  
聖之室侍以顏曾安定之祠傳習之館皆循矩矱九  
峯蔡氏紀其績雙峯饒氏主其教道化大行至元二  
十三年祠院鄰寺勢奪權徙游氏魚樂亭三十年守  
許師可卽北城觀德坊市屋五十餘楹院始定今燕  
室加崇子適至敢請記以白悠遠狎聞宋天章閣待



制安定先生胡文昭公瑗以蘇湖教授師太學其志  
務在洗滌賈藝干利之習復先王之舊其教卓然有  
造士風天下宗之英才育焉與泰山孫明復徂徠石  
守道皆有師道學者稱曰三先生程明道兄弟之所  
傳雖自濂溪來伊川游太學聞三先生之教遂厭科  
舉知其傳之正也先生家泰州望安定教湖學久卒  
葬烏程今郡縣書院猶古黨術之庠序也學者報本  
必祖先聖先師聖尊而師親師必鄉賢於泰於湖皆  
築書院泰先生父母之鄉湖其桐鄉歟聊嘗忝位辟  
雍蔚國子生也旣爲序之敢附雅頌明

聖朝之治正吳越之風辭曰 維山有松 可斲可

度 維水有藻 可采可芼 由宮而門 由堂而

室 柱礎桓桓 籩豆秩秩 瞻仰

臣聖 申申天天 顏說曾唯 天朗日昭 繼是

孰先 孫思鄒孟 以俟後覺 其傳者正 安定

生世 千古寥寥 溶導洙泗 于霄于茗 貞我

皇元 覆幬持載 教澤四充 滋益光大 太湖

之府 安吉之鄉 流風餘韻 古今洋洋 弓正

氏蔚 鼓舞士眾 義順事宜 崇此梁棟 才以

資世 學以育才 繩繩繼繼 用鑑靈臺 至

元二年月日立 儒職王鉉葉寶孫朱成祖監造  
儒生任宏道模勒并刻

兩浙金石志右碑在湖州府安定書院文二十一  
行正書徑八分撰文者字朮魯翀按本傳云元統  
二年除江浙行省參知政事逾年以遷葬歸里明  
年召爲翰林侍講學士以疾辭此碑立於後至元  
二年正召授侍講學士之時故於江浙行省上加  
前字以別之

案碑連額高六尺廣二尺五寸六分耿煥至順三  
年以通奉大夫爲江南御史台侍御史見至正金

陵志蔡節字達夫以教場地創安定書院見齊東野語禧祐六年三月以朝散郎集英修撰知安吉州七年移知婺州許師可至元三十年通議大夫十一月到湖州總管任元貞元年五月離任肯見湖州郡守題名饒雙峯名魯字伯興江西餘干人從黃勉齋李宏齋遊以易赴棘試不遇遂歸專意聖賢之學作石洞書院前有兩峯因號雙峯著五經講義論孟紀聞春秋節傳學庸纂述等書見西江人物志惟蔡節始闢書院創屋四百餘楹置田二千畝又延雙峯主教許師可當以儒爲戲之時

購屋五十楹均非俗吏而名宦績錄失收亦吾輩之責也雙峯爲安定書院山長首創郡志未載應補列寓賢傳

歐陽氏八法碑

趙孟頫書

石佚據湖錄載文

、如高峯之墜石 人似長空之初月 一若千里之陣雲 一如萬歲之枯藤 一如勁松倒折落挂石厓 一若萬鈞之弩發 一如利劍截斷犀象之角牙 人一波常三過筆

澄神靜慮端已正容秉筆思生臨池志逸虛拳直腕指齊掌空意在筆前文向思後分間布白勿令偏側

墨澹則傷神彩色濃則滯鋒豪肥則爲鈍瘦則露骨  
勿使傷於軟弱不得怒鋒爲奇四面停勻八邊俱滿  
長短合度鑷細折中心眼準程疎密欹正筋骨精神  
隨其大小不可頭輕尾重毋令左短右長斜正如人  
上稱下戴東映西帶氣宇融和精神灑落省此微言  
孰爲不可也

閔聲曰碑刻於郡治中郡守吳白雪公清操自勵  
獨攜此碑而去亦趣事也

案此文松雪齋集未收破例錄之

湖州路總管府題名記

石佚文見吳興藝文補

勞志湖州總管題名記趙孟頫撰并書

吳興藝文補黃文獻集亦載此文閔元衡偶得石刻遂正之但末段與袁記推官廳相類且同爲趙公書微不可解

松雪蘭亭十三跋

未見

潘振家藏自記十三跋蘭亭乃四明茅紹之所刻石藏松陵崔氏後歸申景武今入雪堂流傳有緒爲河陽世寶

計籌山趙孟頫題名

石存

吳興武康計籌山越大夫計然隱此成道後千年葛

仙翁煉丹在此又千年當塗杜君道堅來登白石崖  
二仙遊俠爲四大域中建萬古福地大梁趙孟頫書  
右題記在計籌山白石崖側文三行行二十字趙  
孟頫隸書此爲趙公訪杜道堅於山中題名崖石  
道堅字處逸當塗人爲道士大德七年領昇元觀  
事松雪齋集杜公碑稱其尋白石舊隱因計然之  
籌峯卽葛仙之丹井其文與此相合又任松鄉爲  
道堅撰通元觀記云道堅師有道士吳興趙公  
實與之游執弟子禮以此知松雪於處逸道契相  
合曾來白石崖其留題當亦在大德間也松雪隸



書稀有惜無好事者廣爲椎拓流布人間

烏程縣新建儒學廟記

石佚文見湖州府志

〔栗祁湖州府志〕程郇撰

崇順庵蘭若記

石佚文見吳興藝文補

〔晟舍志〕釋友山撰至順元年十一月二十六日西

湖小隱沙門如椿立石

新復清塘堤岸記

石佚文見湖州府志

〔栗祁湖州府志〕程郇撰

道場山祈年碑

石存

至元再紀元之五年己卯春二月二十有二日辛亥

湖州路達魯花赤曩加解以春氣旣和農耕斯始禱  
於道場山爲民祈年也禮諸侯祭境內山川今郡守  
長古諸侯也禱以時而祭不逾禮得其職焉是日公  
馬行至城南玉湖之上天方曙望山顛浮圖屹立天  
半有光如日輪出於其表升降凡三見旣禱乃以其  
所覩語判官程從善照磨鄭一鶚且俾推官何貞立  
記之長老德輝將刻諸崖石并爲書而授之鐫者云  
誠德懋鐫

右祈年碑在道場山摩崖郡守曩加解正書推官  
何貞立記高八尺廣五尺七八寸文十一行行十

六字字徑四寸筆法遒勁出入顏柳李堂湖州府志謂其文磨滅類古沒字碑實未嘗親至其地也曩加爵正議大夫至元三年任湖州達魯花赤六年八月離任與元史列傳之曩加歹同名而非一人

重修湖州府治碑 石存

湖州路重修府治記

湖州路重修府治記

前進士承務郎高郵府推官京兆宇文公諒記

奉直大夫前淮安路海甯州知州兼勸農事古魏趙

雍書并篆額

吳興爲東南望府天目分秀雙溪合流金蓋諸峯峙  
其陽蒼卞具區亘其陰民俗文雅清醕素稱易治王  
謝顏蘇之流風猶可尙也舊治重建於至大間垂四  
十年矣棟宇欹撓牆壁頽圯居官者視爲傳舍謾不  
經意至正五年冬今郡守苦思丁公以中朝俊乂出  
牧是邦其清德偉望足以革貪饕其通才明識足以  
析冗滯約而精嚴而恕念民之久困而不忍一豪輕  
用其力信其爲良二千石矣然府治不可以不新也  
於是計孳生積鏹斥去浮費取其贏餘徵工市材眾

手偕作擇吏之廉而能者董其事同僚咸是之曾未  
幾完舊益新百堵就緒門廡芥奕廳堂邃嚴猷府幕  
僚靡不周葺垣墉暨茨工告畢役見者駭其神速而  
民殆未始知也於是感公之德而樂其有成咸請紀  
之以示來者余惟慎擇守令固以爲民也曩者一役  
之興百費絲棼吏緣爲姦民病曷勝求其不撓而集  
不謀而成未之有也況府治者政之所自出公知新  
其所自出矣豈無新其所出者乎新其所出者蓋將  
立道德爲門戶崇仁義爲棟宇勤敏以營之忠信以  
居之文儒以飾之無急徵橫索爲風雨以剝乎上也

無宿蠹巨猾爲斤斧以戕乎下也政平訟理闔境之內耕食鑿飲涵泳鼓舞有不知其所自來者此公之志而士民尤以此望於公也奚止府治之新而已哉至正六年龍集丙戌三月旣望府掾施以仁

郡人謝德懋摹刻

兩浙金石志右碑在湖州府署二門側文十九行正書字徑寸撰文者宇文公諒字子貞其先成都人父挺祖徙吳興遂爲吳興人至順四年登進士第授徽州路同知婺源州事改餘姚州遷高郵府推官吏傳不載遷官歲月據此知在至正六年高

言一五  
三  
郵至元十四年升路二十一年改府屬揚州路書  
碑者趙雍字仲穆松雪仲子善書畫有父風以蔭  
授海甯州歷官至湖州路總管此碑書淮安路海  
甯州知州而加前字時已去任矣海甯州爲唐宋  
之海州領胸山沐陽贛榆三縣卽今海州也

案碑連額高六尺七寸廣三尺三寸四分苦思丁  
至順二年任明州總管飲水食苦始終一致修築  
陂渠興舉學校累官吏部侍郎兩淮都轉鹽運使  
見王元恭四明續志宇文公諒稱爲良二千石洵  
不誣矣應補湖州府志名宦傳

溪光亭碑

石存

重建溪光亭記

重建溪光亭記

儒林郎湖州路總管府推官劉沂撰

承事郎江浙等處行中書省檢校官李益書

正議大夫前湖州路總管八八篆額

吳興爲城苕霅合流其中相持而東北震澤受之其  
支流經歸安縣治者爲運河東出迎春門通蘇秀常  
潤諸郡舟舳鱗集昏夜不絕舊負河築亭爲艤舟之  
步榜曰溪光因苕霅也宋開禧間令鄭昭先常修治



之至元兵後廢爲民居泰定中邑長柏壽始卽其基  
構屋其上庠弗稱名不足以尊官府聳瞻覽至正乙  
酉六月庚午郡融風弗戒遂燬焉監縣蒙速海牙侯  
曰吾聞官署必有休息之所非特事游觀崇觴豆而  
已於以導養正性思補過差深有資於從政者況茲  
亭俯臨清流足以澂神湛慮開廣聰明體道周流滌  
除瑕穢詎可已乎令佐議克合乃徵工伐材作亭四  
楹勢面虛敞檐阿跂翼清深碧駛來走其下沈沈無  
聲楣宇浮動柁師溪友棹歌鳴舫往來容與更軼舊  
觀遂爲吳興之勝矣初侯之始爲歸安也滯獄山積

聽訟者魚貫而立吏不能悉其目不踰月剖析咸得其情庭無留口以等第役齊民節無名之征杜不根之訟賦稅斂輸與民爲期民無敢後者吏閣筆寡事鄉聚無胥徒之擾而縣以理聞是以四民暇豫以復斯亭之舊誠知所務矣父老咸受口之教而願成其志請余紀其事愷悌愛民固爲政者喜聞而樂道於是乎書侯字養正高昌人前丞上海及浙省屬咸著政蹟云

至正六年十月

日士民倪八刺思不花 沈瑞

韓友直

湯忠

張森

陳震立石

郡人謝廷璇刻

右碑高五尺八寸廣二尺五寸六分二十行行三十四字正書額題重建溪光亭記六字篆書六行行二字在歸安縣署內亭當在縣署之前臨湖今廢碑稱運河舟舳鱗集昏夜不絕其時河面寬闊故爲要途今爲民居所占湖僅二丈餘矣官築亭作記而士民爲之立石可見當時皆取于民元政之不綱一至是乎可歎也八八姓哈刺乞台氏字舜臣蒙古人通議大夫通政院使至正元年七月湖州路總管

鹿苑寺碑 不存

吳興歸安鹿苑寺記

前進士承務郎高郵府推官宇文公諒撰

前進士奉議大夫温州路瑞安州知州兼勸農事三寶柱書并篆額

能仁氏以根器緣業勸善懲惡肇開羣昏極其致則見性悟空固其要也昉自竺軋流於中土逮夫義學波橫禪教派分閤行淵深日盛月新放則彌滿六合卷則不離方寸苟得其人道固在是吳興歸安縣東南四十里餘曰寶溪梁永興寺在焉大同初處士夏

玠捨宅所置也中更廢壞唐大厯中承詔重立宋治平改賜今額洎熙寧間寺僧如肅嘗一新之往記槩可徵也煨於至大庚戌之歲恒產素寡起廢惟艱里長者費世屋身通藝文心契佛學首建圓通祕殿繼割腴田以豐廩給贈湖州路判官陳炎妻恭人姚吳謙妻馬咸有宿因樂循善果爰立大殿聿嚴像設仍割田以給眾焉自時厥後門廡茆奕堂室靚深垣墉庖漏相次完具今聚而藏修者幾四百指主僧處賢述本末求文刻石以貽永久予嘗怪世人因綱常服禮義大中至正之道萬古不可易也而昧者欲動情勝

罔知所繇皇恤善後哉苦彼之超性分入苦空迺克  
繼繼繩繩傳之無窮何也將循彼之道甘心澹泊而  
無慕於外耶抑習聞其說奉之者眾斯有以致之耶  
信乎道在其人鹿苑流風宜勿替而復振也凡檀施  
田畝少多則詳之碑陰茲不書辭曰

天日盤盤

清茗發源

寫爲奔湍

舒爲長川

折行東迤

林壑妍靡

虹光夜起

珠藏澤媚

言言崇崇

法王之宮

鉦鐃鼓鐘

梵音颯颯

雨暘若時

物不癘疵

優曇敷蕤

永祝

皇釐

至正七年 月 日修造司提督僧 善慶 秀珠

師經

耆舊 廣宣 壽莊 慧日 法燈 惟大

清遠 如岳 德才 智歡 妙拱

沙門宏教大師住山釋處賢立石

右碑在歸安縣射村鹿苑寺舊址高四尺六寸廣  
二尺八寸二十二行行三十六字正書宇文公諒  
見前三寶柱字廷珪畏吾兒人知瑞安州鋤剔強  
梗撫安羸弱均賦平獄州無壅政遷兵部郎尋復  
爲監郡分闡溫州勞來安輯備盡其道後厯諸省

憲使闕使所至有聲見萬厯溫州府志碑云寺在  
寶溪梁處士夏玠所建寶溪卽射村夏玠吳興志  
作份當從石刻又云寺於清熙間僧如肅重修燬  
於至大至是費世屋重建亦可補府志之缺

離利橋題字 石存

歲在己丑至正九年三月二十一日壬子良辰謹題  
□□當里何千三公同妻發心喜捨銀財一力建  
造

右高四尺二寸廣一尺四寸在長興

長興重修學宮碑 石存



長興州重修學宮記

長興州重修學宮記

賜進士出身承事郎前台州路天台縣尹兼勸農事  
會稽楊維禎撰

賜進士出身將仕郎前處州路錄事永嘉高明書

賜進士及第承務郎內臺監察御史大名張士堅篆  
余客游吳興涉長城見田野辟絃誦聲相聞入其境  
夜漁不取鰕蟹葦間無嘯聚入郭挈壺氏之職謹孔  
聖之廟斥而新焉問爲政則州長火魯忽達侯之化  
閱六年而成矣未幾學者宿介吾學徒劉巽來謁學

記曰長興吳夫槩王之城池也古爲縣今陞州學本  
邑人宋少傅劉涉所建金人燹餘自縣東徙今太平  
橋東縣令趙汝謹建戟門杏壇叢檜堂張公明增建  
藏書閣而學之規始具我

朝至治間州長撒都魯丁重修禮殿而堂閣門宇廢  
而不立者有矣至正五年州長魯侯至朔望必眎學  
宣布教條凡繫風紀者與涖師老德講行之州之士  
以文學備采擇場屋者往往興焉然學之營繕事重  
民力未果十年夏六月侯始勸諸好義者捐俸金爲  
之倡知州韓公維德是而和之贊事者校官三衛鄭

友直儒之趨事者劉坦之吳鼎趙良珪董役者州史  
俞文囷也殿增而隆拓左右翼屋二中堂從廡及兩  
厦六齋櫺星大成之門庖湑廩庫咸煥然一新堂陰  
復創亭曰光霽閱三月告成廢興始末當有紀未得  
名能文者而幸得吾子焉願有以書之予嘆三代之  
衰庠序之教皆苟道也久矣漢爲近古其教無聞蜀  
得文翁立學始變鄒魯之俗東都興北州之學者僅  
稱常山宓恭耳況其下乎烏乎三代而下學校之興  
廢固基乎循吏之得失也我

朝州縣所在有學雖主教有官作養之効則寄守令

守令非人而欲學校之教行亡矣學校之教亡而望風俗之變難矣

朝家以教化責守令今侯以教爲治寬假歲年其効始著烏乎吾是以知循吏之効之急於得人也吾是以知庠序之化又必久於其道而後成也文宓而下不爲有繼乎

朝家設學之意不爲勿負乎民之望於大夫士者不在是乎是可書已侯字得之世家北庭平章保八公之適子也嘗游成均兩膺鄉薦所至風采政事皆有可稱道者云

至正十一年二月吉日六齋長諭僞人等立石 同

前學儒人 周鼎 費光祖 劉元德 錢俊孫

趙必謙 趙友直 劉應發 劉元善 陳友信

劉清源 劉埴 陳大有 嚴琦 陳俊

姚琛 陸思誠 周守約 章介壽 許榮孫

劉穎 杭遇 陳擇善 劉顯叔 姚元端

陸澤民 姚元瑞 姚景真 費象祖 邵世南

劉元恬 李之孫 嚴斗孫 劉繼老 許斗孫

費顯祖 章顯祖 孫垓 孫克明 孫之秀

盧德剛 陳禧觀 陳樵 朱逢原 高福老

傅志堯

沈奇

毛蘭孫

嚴岩

陳祀

毛潤孫

嚴源

孫宜老

嚴卯孫

鄭元龜

監修直學章文彬

四明胡珪刻

潛研堂金石文跋尾記爲監州火魯忽達修廟學而作記中稱爲魯侯者元時蒙古色目人居官稱名而不稱姓當不欲斥其名或舉上一字或舉中一字稱之無一定之式也魯侯字得之北庭人以世胄入成均兩膺鄉薦碑立于至正十一年在長興已六年矣楊廉夫文在元季推爲作家高明張士堅皆至正乙酉進士堅狀元及第明列二甲兩

人書篆並有法明字則誠卽撰琵琶記傳奇者

案碑高五尺一寸四分廣三尺一寸五分二十六  
行行四十字字運寸許在長興縣學戟門左屋壁  
篆額長興州重修學宮記八字碑後列六齋長諭  
儒人等立石姓名正書文載東維子集卷十二大  
致多同而無校官三衢鄭友直七字

男  
樹藩校字

吳興金石記卷十六

歸安陸心源伯剛甫纂

元

歸安縣修學碑

石存

歸安縣修學記

湖州路歸安縣修學記

兩舉鄉貢進士湖州路安定書院山長儲惟賢撰

兩舉鄉貢進士從仕郎嘉興路崇德州判官張世昌

書

資善大夫江南諸道行御史臺御史中丞吳鐸篆額



學校之制其來尙矣古稱郡守縣令民之師帥則以學校責之守令固宜漢武帝時天下郡國皆置學自文翁始則守之爲也今無聞焉唐肥鄉令韋景駿治學廬館舍老穉忘之不忘令之功進於古無疑矣我國家深仁厚澤涵煦百年海內學校如林

今上皇帝至正更化之六年詔內外臣寮三品以上歲舉守令一人責以六事而興舉學校居其首大哉聖謨斯知出治之本矣邇年以來賢守令彬彬輩出皆思精白一心祇承德意歸安爲吳興屬縣建學自泰定甲子逮今幾三十年因陋就簡缺者未補而

廢者繼之至正庚寅夏達魯花赤察罕不花公以進士  
歷官來監茲邑秋七月開元魏公信又以守令選  
來尹志同道合奉宣風化惟恐或後謂教諭宣城貢  
君岳之曰興舉之責實在令長贊翊用成非教官職  
歟於是捐已俸以倡好義之士復徵學之逋租以佐  
之市材發石賦丈鳩工爲齋屋十有二楹扁其西曰  
依仁東曰據德又接廡翼於堂之左右爲楹如齋之  
數禮殿門涂之廢缺者補以瓦甃黜堊垣墉圯敗則  
版築而圻之貯物有庫積粟有倉易舊去陋煥然趨  
新羣山當前四水匯其西宅幽景勝轉盼非昔比矣

經始於十一年之春再閱月而底功祭器用物莫不具舉先是齋舍未成絃誦闐寂二公至則首羅師儒招邑之子弟而訓迪之揭鼓於堂以節其進退升降之度朔望俾曹吏亦與講習而私淑焉復增租田以裨廩膳其用意亦宏矣於乎凡今之所以作爲宮室教肄之所者豈徒然哉蓋將以明倫善俗而已明倫善俗之道原於學學原於六經四書外是無以爲也在昔湖學以明體適用爲教蓋出於四書未行之前當時孰不慕湖學之盛而取法焉迨至我

朝方尊用周程朱張之說而體用之學益明且設爲

科目以甄拔朔南英傑之士固已家六經而人四書  
矣爾邑有賢令長以身教於上而貢君又能挈其所  
以教之之方凡邑之士盍以礪礪奮發思爲

國家有用之才以無負賢令長之教育可也貢君敦  
雅有文今興是役一一中度可謂才矣以其令長之  
命來請曰願有記故著余所見而使歸刻焉縣丞岳  
巖主簿郭普顏典史沈宗禮訓導范元燾至正十一  
年冬十有二月望日楊成陳詵費瑜費佑立石

監工人吏葉世英吳興謝廷璇刻

兩浙金石志右碑文正書二十四行行四十四字

在歸安縣此達魯花赤察罕不花暨令魏信修學  
教諭貢品之捐俸倡始而成之也文云湖學以明  
體適用爲教胡安定先生之學也自是而濂洛關  
閩之說尊六經四書之名六合同風萬古莫易矣  
張世昌字叔京諸暨人爲詩善比事排律詩至百  
餘韻不少衰晚學益進見西湖竹枝集邑志元時  
爲本州訓導洪武七年又有本縣教諭主簿郭普  
顏有惠政宇文公諒爲作去思碑記

案碑高五尺九寸廣二尺八寸在歸安學元史百  
九十五彭廷堅傳至正十二年盜侵政和松溪江

南行臺中丞吳鐸督軍建甯檄廷堅至當卽其人

歸安縣尹魏侯生祠碑

石存

歸安縣尹魏侯生祠之記

歸安縣尹魏侯生祠記

兩請進士從仕郎前嘉興路崇德州判官張世昌撰  
賜同進士出身將仕郎溫州路永嘉縣丞達海書丹  
奉政大夫僉山東東西道肅政廉訪司事吳鈞篆蓋  
繇安定先生闡教吳興遺澤灑洽迄今文物盛於東  
南然附城邑校舊託郡庠逮我

皇朝敦崇儒雅黌序遍乎遐陬矧大賢過化之邦義

不容安其故乃泰定丙寅歸安縣丞完澤溥化君卜地治所之東南一里肇建學宮逾二十年而凋圯已甚至正庚寅秋遼東魏侯信以選來尹茲邑趨學告至願瞻欽摧惕然疚懷咨於監邑察罕不花君與賓佐曰風化之源繫乎學校責在守令奚敢緩而弗圖卽捐俸金以倡同志庀工役聚饘糧度材木陶甃瓦經畫程督不憚劬悴禮殿論堂重門兩廡悉皆繕完創據德依仁二齋及藏修之舍凡十楹塗墍周密丹堊輝煥且範金削木爲簠簋爵俎豆之屬無一不備邑之儒流感侯銳意於興舉願割田入學以助春

秋祀饗師生膳飲之需爲畝六十有奇侯之最聲騰  
徹藩輔俾攝長興知州俄以疾辭而歸安之毗懷侯  
德惠羣訴於省憲願借留之上口嘉其得民檄使  
復署縣事侯於學校之政不懈益虔適嚴陵貢士葉  
君瑛來任校官克贊厥功建講座口尊師道招雋髦  
以修儒業逮抱牘羣胥亦令講誦尚義之士復以米  
及田益學計爲石與畝者各五十口用良裕葉君  
興學之耆彥謀曰魏侯爲邑旣施德於民而尤嘉惠  
於庠序無愧漢之文翁慮其聲望日隆非久淹於此  
也若肖侯之貌而嚴奉之朝夕瞻禮用慰我士子心



且爲後人規其可乎眾驩然以從旣成礮石來請記  
夫爲政之本莫先於人才莫重於教化二者胥學校  
出特繫乎師帥之存心與否焉爾以詩書造士則賢  
才眾而治道興以廉讓率民則教化行而風俗懃大  
而天下國家小而一鄉一邑分雖殊而理則同也昔  
子游以聖門高弟作宰武城

夫子旣喜聞其弦歌之聲而又以得人爲問則知當  
務之急無大於斯而簿書期會訟獄徵科特其餘事  
而已今魏侯初至首謁學宮謂棟宇之弊無以致尊  
崇歲入之微無以稟多士夙夜究心靡遑於寢食是

用度材鳩匠易腐創新而內外秩秩百用咸具哀良  
驛以益租而稍食充延碩師以設講而生徒集相與  
磨礱道藝發揮經術誦誦佩衿交勉以修己治人之  
學猷爲風節必有顯於當世者至於四封之內濡染  
化澤亦皆相觀爲善藹然有鄒魯風學校之關於治  
道若此哉侯之他政咸過於人而多可頌已載於別  
文茲特以其居任五年始終篤意於學知爲政之大  
本又因邑儒不忘侯德而繪象以垂無窮侯雖去口  
要途猶能使人觀感而興起則生祠之作庶有補於  
世教故不敢以譴陋辭而僭爲之記焉至正十五年

龍集乙未秋七月庚寅記甲午夏六月前初庵書院  
山長費汶立祠乙未冬十月教諭葉瑛訓導王□王  
惟清施元仁賀文杓儒人楊成沈夢麟林元朋章同  
毛元英欽應昂司吏郭仲義等立石 謝廷□鐫

右碑在歸安縣學大成門西連額高四尺五寸廣  
二尺五寸六分二十八行行四十字字字逕六分額  
題歸安縣尹魏侯生祠之記篆書五行行二字字逕  
三寸碑記魏信建學助田民感其德立生祠案吳  
鈞信都人僑寓吳興築樓臨霅水命曰南樓且以  
自號置書萬卷楊維禎有記疑卽其人魏信遼東

人順帝至元中爲歸安尹終日端坐如神人莫敢干以私定浙西坊里之役信以田爲率貧富均一民蒙其惠立石者沈夢麟章同等夢麟歸安人字元昭有花谿集章同字克明號橫塘歸安人又號丹霞仙客以詩畫名洪武初召爲知府辭不拜張世昌見前達海無攷

左丞潘公政蹟碑

石存

資善大夫江淞行中書省左丞潘公紀績之碑

資善大夫江淞等處行中書省分省左丞潘公政蹟碑銘并序

朝列大夫兪嶺南廣西道肅政廉訪司事宇文公諒  
撰

中奉大夫江潮等處行中書省參知政事周伯琦書  
并篆蓋

潮以西擅富強自唐更五季至宋渡南而吳興去宋  
行都最近苕霅兩水分貫郡城宋諸王公鐘鳴鼎食  
邸第相望舟車往來煙火相接故吳興郡城萃起於  
汀洲浦澱之上而其版築之工楨幹之力最爲堅完  
視旁郡有所弗逮然自

世祖皇帝一天下以六合爲家九州爲宮於是所在

城郭更久圯毀至正十六年吳陵潘公自平江督師  
往吳興時苗軍所在肆暴而吳興則尤甚焉其民逃  
命鋒鏑僅獲存者往往劓鼻截耳罕逢完人公於是  
年春三月六日南出葑門旌纛戈矛鑊鉦笳鼓樓船  
嚙波虎旅接拖夜抵松陵左江右湖水相接夜氣  
澹晏月懸中天龍伯之宮鮫人之室淵沅水妃帖妥  
效順舟過垂虹橋公睹僧寺浮屠龜起於江之滸星  
梯風磴高幾切雲公彎弧向空抽矢一發正中塔顛  
三軍譟呼人百其勇旣抵吳興駐兵郭外翦剔按撫  
不亟不徐迺以夏四月十有九日公統兵入城清讐

苗頑慰安一郡宣布德澤多方招來息黥補劓庶幾更生膏流節離沃浣綴續寒者煦之饑者飫之民固已戴仰公扶樹也已公深惟城池所以設險近緣兵興頗事版築然吳興爲郡厯年滋多曾無藩籬之限公旣拊安其民人卽經構其城郭迺以是年冬十有一月之八日審勢度宜有事築版必誠必信久遠是圖都事吳陵張瑛掾史袁孟熙從公宣力樹旂定方萬夫畢集指顧之下荷畚成雲揮鍤成雨築杵應和力均心齊甫四視朔土工告完城啟五門聿嚴啟閉南曰安定示永奠輯其民也西曰清源示茗雪所由

旁也西北曰延禧示遙拱之意也北曰臨湖示水所  
由來也管鑄中嚴關鍵內密仍建四水柵南受餘不  
溪水西受茗水北受霅水其東則爲運河吳興本澤  
國而水於城築後悉由其道此吳興之爲金城湯池  
極爲險固也已先是城南畢工而寇卒至凶逆結聚  
實繁有徒公卽擐甲登城身當矢石偏裨以下踴躍  
奮與戎陣嚴明號令齊截寇始作氣若能搏人公親  
提枹鼓誓與此城身不偏完大戰城下寇皆崩奔自  
相蹂踐什喪五六寇旣膽破民始獲安後一再來悉  
殲城下於是官吏軍民父老士庶舉皆言曰向非公



銳意築城設險衛我則一郡生聚皆爲寇所魚肉也  
凡公府學校百廢具舉麗譙之樓燬久又從而新之  
公之在吳興今已三年不矜功名口耀遷轉日延儒  
生講切忠義日練士卒俾成功名信賞必罰恩威著  
明檢身齊家禮法明達抑亦可謂良將之才賢牧之  
器也已夫方岳牧守當太平無事之時布政出治綱  
舉目張率循數先舉無難者及兵戈擾攘民無固心  
士無確志伍符尺籍動相紛拏而能披草萊建城郭  
卻外寇完民人夫若然者在古猶爲罕見何況於今  
然則謂公爲良將謂公爲賢牧非溢美也已今江潮

丞相世秉忠貞望重廊廟當分陝之寄任柱國之權  
以公勲德不勒之金石無以章示永久於是命吳興  
守臣袁公政績使來乞銘乃爲之銘曰

天目之山 作鎮於泰 鍾英毓才 世用攸賴

才英伊何 是惟潘公 氣捍海潮 胸吞雲夢

凌風六翮 大江飛渡 鐵馬金戈 百靈斯助

遂鎮吳興 拊安遺黎 民久不爨 公來復炊

問巷燔撤 公來復屋 市久不貿 公來復績

農顰於野 待公復畊 士顰於室 待公復生

惟天設險 必依城府 乃新版築 乃建樓雘

萬善相和

楨幹孔堅

百雉林立

其高隱天

民有城郭

如魚有水

封禺之山

封禺之里

公活其民

民懷不忘

播之聲詩

更久益臧

至正十九年歲次己亥五月庚午

儀同三司江浙等處行中書省左丞相兼知江淞行  
樞密院事領行宣政院事提調江浙都府達識帖穆  
爾立 郡人陳真趙璋刊

兩浙金石志 右碑在湖州府署二門側文二十七  
行正書徑寸碑記分省左丞潘公脩郡城事未詳  
其名按祕閣元龜政要至正十六年三月癸巳張

士誠來自高郵改至正十六年爲天祐三年因號  
大周以蔣輝潘元明爲左右丞又郡城迎禧門有  
偽周題記稱左丞潘公旣克吳興而分鎮之天祐  
三年冬十一月十九日築城明年春二月城成開  
迎禧門此碑所稱潘公蓋卽元明其築城年月與  
天祐之刻合惟此爲達識帖穆爾所立時在至正  
十九年士誠已受招安去僞號而文中敘述元明  
戰功政績頗多粉飾溢美之辭周伯琦參知政事  
乃達識帖穆爾承制時所假其書法擅名當時著  
有六書正譌說文字原二書行世

右碑高八尺廣四尺一寸額高一尺四寸廣二尺五寸題曰資善大夫江浙行中書省左丞潘公紀績之碑篆書六行行三字字徑三寸五分案達識帖穆遜字九成國王脫脫之子幼與其兄帖睦爾達識俱入國學爲諸生讀經史能通大義尤好學書初以世胄補官至正十五年出爲江浙行省左丞相兼知行樞密院事許以便宜行事肆通賄賂賣官鬻爵十六年張士誠陷平江逼杭州達識帖睦爾棄城遁於富陽爲張士誠所拘飲藥死左丞者潘元明也通州人其弟元紹爲張士誠壻見羣

雄事畧士誠陷平江湖州亦爲所據以元明爲左  
丞鎮守之苗頑者苗卽楊完者也完者字彥英武  
岡綬甯之武水人羣無賴嘯聚溪洞推完者爲長  
元事日棘湖廣陶夢楨招之由于戶累階至元帥  
夢楨死完者順江而下抵揚州渡揚子留廣德尖  
興問所過無不殘滅擄得男女老羸者殺之壯者  
幼者驅以爲奴婦人哲者畜爲婦人有三四婦一  
語不合卽刺以刃浙江行省達識帖睦迺倚以爲  
重奏授參知政事侵暴如故後爲士誠所圍自殺  
見元史及輟耕錄碑所謂一郡生靈免爲魚肉者

亦非虛美也元平江南城池多夷堙見盧熊蘇州府志碑所謂無藩籬之限者此也湖州城築於唐武德四年李孝恭周二十四里元明鎮湖州以城寬且圯築而小之周十三里碑所記是也達識帖睦邇爲行省丞相而爲降賊頌德立碑欲元之不亡得乎

歸安縣儒學教諭題名碑

石存

教諭題名

歸安縣儒學教諭題名記

古者政教爲一教官之重至與冢宰竝立漢置博士

員延登鴻碩論議朝政尊寵禮遇優於他官後世以  
詞章資格取人而政教分矣宋季縣學以進士累舉  
不第者主之掌以經術課業教其士任之固不輕也  
今置縣學置教諭一員雖選於有司然講肄有程修  
爲有章近又以鄉闈亞榜傑魁之倫充是選其任顧  
不尤重歟歸安吳興望邑也縣學舊附郡庠泰定丙  
寅進士完澤溥化公來丞茲邑乃營治之東南作廟  
學垂二十年職教者更十有一人而題名缺焉至正  
十四年季秋嚴陵葉君瑛由亞榜士昉蒞是職縣之  
賢令尹開元魏侯信尤以興舉學校爲己責於是招



諸生禮師儒佩衿誦誦絃流聞民之慕義者捐腴  
田以助之良繇善政感人抑亦善教之所致也京兆  
宇文公諒蜀產而家是邑 洊省較藝而葉君實備  
選擇故以題名記爲請噫歲月易流民德難泯居是  
官者誠能尊所聳行所知本之以德行充之以文學  
宗尙儒先作成後進他日樹勲揚烈當自茲始葉君  
尙其楙之并書以告來者 至正十五年龍集乙未  
閏正月旣望奉直大夫 國子監丞宇文公諒記將  
仕郎翰林 國史院編修官錢用壬書丹嘉議大夫  
海北廣東道肅政廉訪使梁國標篆蓋

右碑上截正書二十七行行十六字



楊元震

字東卿台州路人

沈昇

字口口台州路人

湯口

嚴口口

字世英信州路人

張謙道

字克讓信州路人

姚口口

字利用衢州路開化縣人

徐恕

字如心平江路人

范忠口

字則忠饒州路浮梁州人

閔達

字義行饒州路浮梁州人

貢崑之

字有瞻甯國路人

戚持敬

字秉肅嘉興路嘉興縣人

葉瑛

字元英建德路壽昌縣人年廿七歲至正十三年江浙鄉試備榜第十名十四年六月廿

三日

之任

韓桐

字景華蜀人

牟魯

字仲望蜀人

江漢字潮宗嘉興路嘉興縣人年二十五歲至正十  
九年江蘇鄉試備榜第九名至正二十一年十  
二月十三日之任  
謝廷璇刊

兩浙金石志右碑下截分三列第一列一十一行  
第二列四行第三列無字碑首篆書教諭題名四  
字在歸安縣學此述邑令魏信修學而教諭葉瑛  
乞公諒記之也元史不列教諭當時只選於有司  
此碑可證完澤溥化南陽人惠政著稱魏信爲歸  
安令終日端坐如神人莫敢干以私時定浙西坊  
里之役以田爲率貧富均一民懷其德焉江漢明  
詩綜小傳作會稽人洪武初以文學授編修碑題

嘉興人當從碑爲是舊志元教諭以此爲藍本舛謬尤多又書四字本古篆作三亦僅見也

案碑高三尺三寸廣二尺二寸閔達泰定二年江西鄉舉錢用壬字成夫廣德人元至正十四年進士授翰林院編修出爲江浙行省左右司員外郎旣而參張士信軍於淮南升參政明軍下淮南來歸累官御史臺經歷預定律令尋與陶安等博議郊廟社稷諸儀詔報可洪武元年拜禮部尙書其年十二月告歸賜居湖州見明史陶安傳明詩綜廣德州志梁國標可補廣東通志之缺

烏程縣學尊經閣碑

石存

烏程縣學尊經閣記

烏程縣學尊經閣記

前進士奉直大夫 國子監丞京兆宇文公諒撰

儒林郎湖州路總管府推官保定王伯敬書

奉直大夫前淮安路海甯州知州古魏趙雍篆額

經者載道之器經在是則道在是矣此尊經閣之所  
由作也吳興以山水清遠名東南而學校之盛寔爲  
稱首烏程縣學舊附郡庠東偏池上後至元三年縣  
丞宋文懿始營治之東廟學僅完而宋代去至正十

二年秋淮寇繇江東犯吳興縣治災近延于學齋廡  
堂庾悉燬旁有閣前令尹張瓊所勑未成而張□□  
縣兀訥古赤徙寘堂基未幾復代去天台陳鏗翁以  
甲申亞榜鄉進士來教茲邑請于監縣鐵穆爾普化  
縣尹真定耿昭謀仍其舊而成之下爲明倫堂師生  
講肄于此買十三經及諸史子集若干卷貯于閣□  
曰尊經將使諸生知聖經可尊聖道可進而諸史子  
集雖在而不書焉旣而經營繕治學之眾廢具承□  
之後爲民居將售之他姓鏗翁乃因郡推官逮公永  
貞請于監郡阿思蘭不花公以錢二千緡置爲□官

廳事至是閣之上下前後且完美矣書來徵予文爲  
記予惟聖賢之經聖賢之心也心無不同道則□□  
願學者所以求之者何如耳而閣與書之存否則亦  
繫乎其人也後之蒞此者與鏗翁□□□而□□□  
斯閣與聖經長存而吳興子弟得以藏修息游是則  
鏗翁之志而閣之尊經不爲□□□□□□□□  
聖賢之道明聖賢之心此又予之所望于後世也於  
是乎書至正十五年龍集乙□□□□□□□□□  
魯忽都主□□家奴典史朱禮樊天璋縣史宋  
光祖訓導丁敏文儒人

下缺

孝經 六冊

論語 四冊

孟子 十冊

周易 六冊

下缺

毛詩 二十五冊

春秋 三十冊

公羊傳 十冊

穀梁 五冊

下缺

禮記 二十冊

周禮 二十冊

爾雅 三冊

通鑑綱目 下缺

安定事實 一冊

右碑連額高四尺八寸五分廣二尺一寸四分二十行行四十字正書額篆書四行行二字字徑三寸許宇文公諒趙雍見前輟耕錄至正十二年九



月二十六日紅巾陷湖州儀鳳橋四向焚戮特甚  
與碑合縣署距儀鳳橋數十步學齋尤近推官逮  
永貞王伯敬監郡阿思蘭不花郡志皆失載

顧阿瑛黃龍洞詩刻 石存

□□洞次坡翁韻

□□傾水海若驚坎蛙□□丹壑仿像仙人家

□□盈尺□木枯谿衍□□□金鍾蝕十花

□□萬丈宮□□蛇山椒望不極咸池浮車

□□卧□鹿碧巘飛白鴉別窺城南妙□□嘉

□□□□□□□樹□年夏秋潦湖雨冲泥沙

口口米勝珠獨口口口假雨暘願時若稅計語高衙  
缺上春之吉

金井志右詩見丈人峯北壁石脫其上截中復剝  
蝕漉漫可辨者五十四言據邊行有阿瑛字殆金  
粟道人也檢玉山璞棄無此詩

右拓本高三尺廣一尺八寸八行行字不等行書  
今審得七十字較金井志多十六字末行得春之  
吉三字惟阿瑛二字不見阿瑛名德輝字仲英崑  
山人風流文雅箸稱東南以子恩封武畧將軍錢  
唐縣男至正十七年避地于郡城東南之商溪見

姑蘇志及鄭元祐僑吳集詩刻當在其時

歸安縣尹夏侯重修廟學碑

石存

歸安縣尹夏侯重修廟學記

江淞兩舉鄉貢進士湖州路儒學教授劉元佐撰  
承事郎前江淞等處行中書省檢校官趙麟書

中奉大夫江淞等處行中書省左丞周伯琦篆額  
孔子之道與天地並其祀通乎四海後世願治之主  
莫不宗之

皇元誕受天命作之君師崇尚文教日月所照霜露  
所濡皆有庠序學校之制天下□□□□焉出猗歟

休哉吳興爲湖西名郡而歸安望邑也邑治居郡東南學宮壯麗甲于□□□□興以來軍士寄處蕪程莫治至正壬寅春三月維揚夏侯彥明來尹是邑顧瞻□□□□歎與僚案等謀議僉同鳩工聚材規楮粟以佐營繕之費別營廬舍八十有二楹□□□之庭宇嚴肅復還舊規創靈星門高餘三仞雄偉有加於昔戟門撓壞者重葺之□□□□者築而塗墍丹雘之禮殿棟梁構櫨椽桷之朽蠹者易以堅勁聖丹漆藻飾之漫漶者□□華重繪孔子四配十哲像龍卷黼黻五采彰施兩廡從祀木主陳列新明倫

堂締構齋宇倉庾庖湍各有其所暨犧象簠簋豆  
鬯洗禮服罔不畢具經始於是年夏五月甲子訖工  
於癸卯春三月丁巳既而延禮師儒以訓凡民之俊  
秀朔望章甫翕集釋菜竣事列坐於堂命諸儒講解  
經籍百里之內絃誦洋洋藹然有鄒魯風非體

聖朝作成之美意其能若是乎嗟夫道之大原出於  
天而傳於聖人萬古猶一日也十室之邑咸有廟有  
學以嚴祀事矧歸安壤地之表民物之庶其可慢而  
弗治乎侯蒞政未幾作新廟學式克有成聖神在上  
於昭於天俾自今宰是邑者繼繼承承皆如我侯之

之賢則廟學之盛其有旣哉侯名晃號蒙齋教諭嘉禾江漢與余同年請書其修創本末勒諸麗牲之石使後之人無忘侯之德焉是年四月朔旦謹記

右重修廟學記在歸安縣學大成門西壁高四尺一寸廣二尺三寸文二十行行三十六字劉元佐撰趙麟正書周伯琦篆額已失誤以歸安知縣羅侯重修廟學之記連于上羅修學碑久佚其姓名亦不見于志乘碑斷一角前數行下缺四字趙麟書法殊有祖風麟字彥徵雍次子松雪翁孫以國子生登第爲江浙行省檢校見圖繪寶鑑

烏程縣重建縣治記 石佚文見菰城文獻

菰城文獻 趙肅撰

南潯重修城記 石佚文見吳興備志

吳興備志 前徽州路儒學 缺 撰 前南潯鎮儒學

教諭楊天顯書 湖州路安定書院奉祀胡理篆

額至正二十一年歲在辛丑七月既望

湖錄 烏程縣尹馮侯均賦役碑記至正二十三年

張世昌撰重修南潯城碑記至正二十一年撰人

闕馮侯均賦役萬戶徐侯修南潯城亦右丞潘公

鎮湖之善政也南潯城相傳洪武初修建姑蘇城

移其土石而去

烏程縣尹馮侯均賦役碑

石佚文見菰城文獻

菰城文獻至正二十三年張世昌撰

吳興臨湖門碑

石存

吳興臨湖門記

大周天祐三年歲在丙申夏四月十八日中書左丞

兼總兵潘

元帥嚴公

吳興郡慮無城郭以居守遂發公帑

築城浚池迺北建臨湖門之有水柵陸有石壘湖水  
當其前毗山在東北弁山在西北因形勢也是年十



一月十九日 烏程□□存忠董工 明年二月

十七日門成□年丁酉春三月二十四日攝守饒介

書

懷遠大將軍元帥嚴

資政大夫中書左丞兼總兵事潘

右碑在臨湖門城圍連額高二尺五寸廣一尺二寸文十行行十六字正書額題吳興臨湖門記六字篆書饒介字介之臨川人爲人倜儻豪放書似懷素詩似李白自翰林應奉出僉江淞廉訪司事張氏入吳杜門不出士誠慕其名自往造請承制

以爲淮南參政士誠敗爲明太祖所殺左丞潘公  
卽元明也士誠腹心之將元明外有徐義徐志堅  
李伯昇諸人見平吳錄及羣雄事畧不聞有姓嚴  
者元帥嚴俟攷

吳興郡城迎僖門碑

石存

迎僖門記

吳興郡城迎僖門記

大周受命於天左丞潘公旣克吳興而分鎮之天佑  
三甲冬十一月十九日築城明年春三月城成開迎  
僖門作樓其上高敞宏麗控帶山水爲邦壯觀寔監

丙口口董其修郡民來詹咸熙熙然而樂曰不逾月而大功克完皆我左轄公與元帥暨公之經制籌畧也不可以不記於是乎書以昭來者四年丁酉三月初三日記攝守饒介爲文并書丹

懷遠大將軍元帥嚴

資政大夫中書左丞兼總兵事潘

歸安典史周琛同監工

右碑在迎僖門城闌連額高二尺五寸三分廣一尺二寸四分文十行行二十一字饒介爲文并書篆額迎僖門記四字此與臨湖門記同爲左丞潘